



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DLIII. ad annum DLXXVII.

Parisiis, 1644

Concilium Arelatense V. Svb Sapavdo Episcopo, Die III. Kalendas Ivlias
Celebratvm, anno Christi DLIV. Vigiliu papae vltimo, Childeberti regis XLIII.

urn:nbn:de:hbz:466:1-15324

ANNO CHRISTI 554. CONCILIVM ARELATENSE V.

SVB SAPAVDO EPISCOPO,
DIE III. KALENDAS IVLIAS CELEBRATVM,
anno Christi DLIV. Vigilii papæ ultimo,
Childeberti regis XLIII.

TITVLI CANONVM.

- | | | |
|---|--|---|
| I. <i>Vt oblate altaris ab episcopis provincie ad formam Arelatensis ecclesie offerantur.</i> | <i>sumat.</i> | V. <i>Vt monasteria puellarum sub cura sint episcoporum; & abbatibus nihil liceat contra regulam.</i> |
| II. <i>Vt monasteria ei subsint episcopo, in cuius territorio sita sunt.</i> | VI. <i>Vt clericis facultates, quas ab episcopo in usum accipiunt, deteriorare non liceat.</i> | |
| III. <i>Abbati longius a monasterio, sine episcopi permissione, vagari non licet.</i> | VII. <i>Vt episcopus alienum clericum, sine episcopi sui epistola, non ordinet.</i> | |
| IV. <i>Vt presbyter diaconum vel subdiaconum deponere non pra-</i> | | |

PRÆFATIO.

HANC super omnia curam decet esse pontificis, vt de ecclesiabus Deo iuuante sibi commissis, tamquam de propria quam regit, cura sollicitudineque indefinenter inuigilet: vt frequentius aggregatis episcopis, statuta Canonum sæpius relegendo, in eorum animis caritate interueniente commendent, vt quod statutum est irreprehensibiliter debeat custodiri; & si quid forsitan statuendum causâ suggesterit, vnanimiter obseruanda decernant. Itaque cum in Arelatense vrbe episcoporum fuisset Synodus aggregata pro necessariis rebus, rationale esse credidimus, antiquis Canonibus non derogantes, pauca tamen pro eorum ordinatu, Deo adiutore, subiungere: quibus hoc roboris magis esse credidimus, quod a plurimis caritate interueniente consentientibus, prona voluntate firmatum est.

I.

Vt oblatae, quae in sancto offeruntur altario, a comprouincialibus episcopis non aliter nisi ad formam Arelatensis offerantur ecclesiae. Quod si aliter aliquis facere praesumpserit, tamdiu sit a communione, vel a caritate fratrum seclusus, quamdiu ipsum coetus synodalis receperit.

II.

Vt monasteria, vel monachorum disciplina, ad eum pertineant episcopum, in cuius sunt territorio constituta.

III.

Vt abbatibus longius a monasterio vagari sine episcopi sui permissione non liceat. Quod si fecerint, iuxta antiquos Canones ab episcopo suo regulariter corrigantur.

IV.

Vt presbyter diaconum vel subdiaconum de ordine deponere nescio episcopo suo non praesumat. Quod si fecerit, illi in officio vel communione recipiantur, & ille anno integro a communione priuatus, officium implere penitus non praesumat.

V.

Vt episcopi de puellarum monasteriis, quae in sua ciuitate constituta sunt, curam gerant; nec abbatifacius monasterii aliquid liceat contra regulam facere.

VI.

Vt clericis non liceat facultates, quas ab episcopo in usu accipiunt, deteriorare. Quod si fecerint, si iunior fuerit, disciplina corrigatur: si vero senior, ut necator pauperum habeatur.

Vt episcopus alterius clericum in gradum, sine epistola episcopi sui, prouehere non præsumat. Quod si præsumpserit, ille qui ordinatus fuerit, ab honore quem acceperit, remotus, quod ei commissum est agere non præsumat; & is qui eum sciens ordinauerit, tribus mensibus communionem priuetur.

SVBSCRIPTIONES EPISCOPORVM.

Sapaudus in Christi nomine episcopus ecclesie Arelatensis, constitutionem nostram relegi & subscripsi. Not. sub die tertio Kalendarum Iulias, anno XLIII. regni domni nostri Childeberti regis, indictione tertia.

Simplicius episcopus ecclesie Sanesiensis subscripsi.

In Christi nomine Antonius episcopus ecclesie Auennicæ subscripsi.

In Christi nomine Hilarius episcopus ecclesie Diniensis subscripsi.

Clementinus in Christi nomine episcopus ecclesie Aptensis subscripsi.

Prætextatus in Christi nomine episcopus ecclesie Cauellicæ subscripsi.

Eusebius in Dei nomine episcopus subscripsi.

Magnus in Christi nomine episcopus ecclesie Cemelenfis constitutioni subscripsi.

Aulus in Christi nomine episcopus ecclesie Aquensis subscripsi.

In Christi nomine Expectatus episcopus ecclesie Foroiulienfis subscripsi.

Matthæus in Christi nomine episcopus ecclesie Arausicæ subscripsi.

In Christi nomine Cyminianus presbyter, missus a domno meo Deuterio episcopo, subscripsi.

Honoratus in Christi nomine presbyter, missus a domno meo Vellelio episcopo, subscripsi.

Benenatus in Christi nomine missus a domno meo Basilio episcopo, subscripsi.

Seuerus presbyter in Christi nomine ecclesie Telonensis, missus a domno meo Palladio episcopo, subscripsi.

Quinidius in Christi nomine archidiaconus, missus a domno meo Theodosio episcopo, subscripsi.

Liberius in Christi nomine archidiaconus, missus a domno meo Emeritorio episcopo, subscripsi.

Claudianus in Christi nomine diaconus, missus a domno meo Emeritorio episcopo, subscripsi.

Cyprianus in Christi nomine diaconus, missus a domno meo Aulo episcopo, subscripsi.

¹ *Concilium Arelatense V.*] Synodi huius, quam nunc primum in lucem damus, Canonem III. ex collectione, opinor, aliqua profert Gratianus 18. qu. 3. *Monasteria.* Integram enim Synodum si nactus fuisset, aliorum etiam eius Canonum auctoritate usus esset, vetustissimi auctoris exemplo, qui in collectione Diuionensi, & tertium eundem, & alios quoque Canones inseruit, IV. V. ac VII. De hac eadem Synodo vetus index episcoporum, qui Canones in Synodis ediderunt: *Canones Arelatenses firmauerunt episcopi XIX. Sapaudus Arelatensis, Simplicius, Hilarius, cum ceteris.* Nam huic episcopi subscribunt numero XIX. & in his illi ipsi quos nominatim designat.

² *Anno XLIII. Childeberti.*] Cadit hic annus, iuxta æram nostram, in annum Christi quem præfiximus. Nam si ad annum DXI. quo iniisse facimus Childebertum, XLIII. annos adiicias, exurgit annus DLIV. Sed cum mense Iunio eius anni non cohæret, quæ ex codice Lugdunensi annotata est, indictio III. sed II. cuius adhuc reliqui erant duo menses, priusquã III. inchoaretur. Quare tertia pro secunda posita hoc loco videtur, sicut in Concilio III. Aurelianensi, ut ante dictum est, indictio secunda pro prima. Alioqui non solum cum nostro, sed cum suo etiam calculo pugnat codex Lugdunensis. Etenim si anno Christi DXLIX. cum celebratum est Concilium V. Aurelianense, Octobri mense, ut idem codex habet, indictio erat XIII. & Childeberti annus XXXVIII. sequitur ut Iunio mense anni DLIV. & Childeberti annus fuerit XLIII. & indictio II. non III.

³ *Tertio Kal.*] In manuscripto legi potius videtur XIII. *Kalendas.*

V I T A,
EPISTOLÆ, ET DECRETA
PELAGII PAPÆ I.

Ex libro pontificali.

^a PELAGIVS natione Romanus, ex patre Ioanne Vicario, ^b sedit annos † undecim, menses decem, dies octodecim. Et ^c dum non essent episcopi qui eum ordinarent, inuenti sunt duo episcopi, Ioannes de Perusio, & Bonus de Ferentino, & Andreas presbyter de Ostia; & ordinauerunt eum pontificem. Tunc enim non erant in clero, qui eum possent promouere. Et multitudo religionum, sapientium & nobilium, subdlexerant se a comunione eius, dicentes, quia in morte Vigili papæ se immiscuit, ut tantis pœnis affligeretur. Eodem tempore Narfes & Pelagius papa, consilio inuito, data litania a

† Alii annos 10. menses 10. dies 18. alii annos 6. tantum ei tribuunt.

Litaniarum & processionum usus.

ANNO
CHRISTI
554